



14515

III

Mag. St. Br.

P

a Potok

art. Jgn. Flumen Arenarum iussu

Lachrymis exundans.

PANEG. et VITAE  
Polon. Fol.  
№ 501.



**H**

*7L*

**I**

*7L*

**I**

**San**

in E

*A. M.*

**e**



F L V M E N

S R E N I A V I V M,

I V S T I S L A C H R Y M I S

E X V N D A N S.

P E R E N N I M E M O R I Æ

*ILLVSTRISSIMÆ olim & MAGNIFICÆ DOMINÆ*

D. S O P H I Æ

à Potok,

*ILLVSTRISSIMI & MAGNIFICI DOMINI*

D. J O A N N I S

à Lipie

L I P S K I. 14575 III

Sandecensis, Chouienfis, &c. &c. CAPITANEI

S. R. M. Colonelli.

CONSORTIS LECTISSIMÆ

*M. J. F.*

*D V M*  
in Ecclesia P.P. Minorum de Obseruantia Conuentus Stradomien.

IUSTA EI FUNEBRIA

Magno omnium Doloze persoluerentur.

A. M. MARTINO IGNATIO FRANKOWIC, *Philosophia Doctore,*  
*Canonico Bobouienfi, ViceCustode Neosandecensi.*

*Parentali obsequio*

C O N S E C R A T V M.

*Anno Salutis, 1677. Die 6. Septembr.*

CRACOVIAE, Ex Officina SCHEDELIANA, S. R. M. Typogr.





IN STEMMA  
ILLVSTRISSIMÆ DOMVS  
LIPSCIANÆ.



BIBLIOTH. UNIV.



JACELLONIGAB

Bistonidum grandes cunei, Scythicaq; phalanges,  
Inuicta quoties hic cecidere manu.  
Hostili toties rubuit SRENIAVA cruore,  
Totq; triumphorum clara trophea tulit.  
Nunc lachrymas voluit, nunc gurgite fertur amaro;  
Quin potius latis defluat ille vadis.  
Si dolet ereptam tanto de Sanguine Gemmam;  
Gaudeat, hæc Gemma est iam meliore loco.

ILLV.

summan  
rias an  
Meruer  
cis con  
Matron  
doribus  
dolente  
uerat F  
quod T





ILLVSTRISSIMO ET MAGNIFICO  
DOMINO  
D. JOANNI  
à Lipie  
LIPSKI.  
Sandecensi, Choviensi, &c. &c.  
CAPITANEO,  
S. R. M. Colonello.



*Exaquare lachrymis dolorem Tuum, nemini quidem concessum; sicis tamen oculis posse Te intueri, dum Consorti amantissima parentas, censeo vix humanum. Illustrissime & Magnifice Domine. Ab Heroico pectore Tuo, procul illi dolores; in quibus nihil citius, quam lachryma arescit: altum nihilominus est, quod Te penetrat, & serio expensum; quam iuste debeat estimari cum iactura cordis dimidij constat. Luctari in Te oportet, summam amoris & iudicii vim; utrinq; nisu maximo, an Te dolori imperias an obfirmes? quidquid tamen egeris, fortis ut mors dilectio vincit. Meruerat illam Vita Socia, tanto illo animi vigore; tanto virtutum & dulcis consortij nexu; à quo diuidi, & corde non scindi, haud prodigio vacat. Matrona virtutis consummata in breui; pusillum istud, quod vitale habuit. dotibus eximijs adeo iucundum Tibi fecerat; ut ignores, an momentum fuisset. dolente Tecum Orbe Polono, dum ingentibus desiderijs excidit; qui eam optauerat Heroas Tibi similes genuisse. Intererat quippe, SRENIAMVM hoc decus, quod Tu Summa virtute, & autoritate sustines, ex voto Patria propa-*



ri: Teq; in propagine Sua; seculis illis reddi; in quorum exempla laborasti.  
 Ita Auctus in Te LIPSCIORVM Sanguis, quo Nostro tot secula reddit; quot in Te  
 belli pacisq; decora, ad normam priscae glorie exacta veneramur. Ita HIE-  
 RONYMVS à Lipie LIPSKI Parens Tuus, magnum in Te nomen conti-  
 nuat; gaudetq; Martem suam in Te viuere, & excelsi animi indolem triumphare.  
 Manubijs ille hostium plenus, pro bono publico inuictus, recusatis Senato-  
 rijs Curulibus admirandus, in coronamentis gloriæ Tuæ cernitur; magnâ illâ  
 mente superstes adhuc Nobis; quâ Tu & Cuius optimi, & Bellatoris fortissimi  
 munia implet. Actus Tui Heroici creuerunt per omne genus hostium; bellis à  
 Septentrione, Austro, & Oriente maximis; in quæ Patrimonij, Sanguinis, & Vi-  
 tæ dispendio iuisti semper; non cōputans pericula, sed amans & deposcens. Præ-  
 ter Suecicas, Pannonicas, Moschicas, Cosacicas, Scythicas laurus; Chocimenses  
 ex Turcis manubia, fortissimâ dexterâ Tua quæstæ; Augusti capitis gloriosiss-  
 simo triumpho in Te quoq; redundant. Cruentus in SRENIAVA Tuo detumuit  
 Hellepontus; totoq; hoc tempore, quidquid contra immanem Orientis potenti-  
 am egimus, theatrum virtutis Tuæ bellicæ fuit. quâ & cohortes militares  
 sumptu Tuo instructas; & Te ipsum Patriæ munimento dedisti. Summa pro-  
 inde æstimatio Tui, apud Principem, apud Senatorij Ordinis Viros, & uni-  
 uersam Rempubicam; quæ Te Marschalcum Conuentuum Publicorum, Nun-  
 cium ad maxima Comitia, Commissarium Palatinatûs Cracouiensis, Rothma-  
 gistrum Districtûs Sandecensis, & alijs præclaris muneribus, Summâ cum laude  
 persunctum; magni animi, & consilij Virum, ut amat, ut æstimat; ita spe-  
 ctatissimam Virtutem Tuam eminentius prolehi, ex voto publico desiderat.  
 Dolor hic ergo, qui Te inundat; non Tuus tantum, sed Patriæ quoq; dolor est;  
 quæ Matronam Lectissimam, delitio cordiq; Tuo ereptam, alto gemitu prose-  
 quitur; ex qua os, humerosq; Tibi Similes, Ciues sibi auebat; in quibus Heroi-  
 cus Tuus uiuere, & Animus, & Sanguis. Ad has iusti doloris lachrymas,  
 me quoq; summa Tua dignitas, gratia, & amplissimi Nominis Tui veneratio  
 induxit; quæ Fluuio Tuo SRENIAVIO, & Parentale obsequium, & mea pro  
 Te vota deferunt; ut quantum nunc lugubribus hisce undis, iustus dolor  
 Tuus excreuit; tantum in Te Diuinis è calo solatijs, decus omne felix, &  
 longæuum exundet.

Illustrissimæ & Magnificæ  
 Dominationis Vestræ,  
 Observantissimus

M. MARTINVS IGNATIVS FRANKOWIC, Ph: Doctor,  
 Canonicus Bobouienfis, ViceCustos Neosandecensis.

FLV





F L V M E N  
S R E N I A V I V M,  
I V S T I S L A C H R Y M I S  
E X V N D A N S.

Ingentium dolorum occasio,

breues deliciæ;

lachrymarum non fontes aperiunt, sed cataractas.

Excors nimirum

*nunquam magis cor euiscerat Libitina;*

*quàm dum ad irritationem doloris, ex bonis carissimos eligit;*

*in quibus tempus vitæ abbreviat;*

*quod in malis ad nauseam usq; extendit.*

Delicata mortis portio, mortalium optimi;

quos Nestoras esse oportuit, Titi fiunt;

dolore immenso, remedio nullo;

cùm bonæ mentes, non maiori numero consent,

*quàm & Gratiæ.*

Triumphale Flumen Tuum

Magne S R E N I A V I O R V M Sanguis,

Si vnquam cordis gemmam habuit, nunc certè amisit;

eò cariorem, quod ægrè ostensa;

delicio sui & gaudia irritauit, & luctum.

*Flos hominum, Matronarum gemma,*

ILLVSTRISSIMA olim & MAGNIFICA,

SOPHIA à Potok LIPSKA,

*dulce bonum, sed in puncto;*

*gutta nectaris, sed nunc absinthij mare;*

A

in sta-



in stamine vitæ, supra vicens hyemes vix progressa,  
telam Penelopes scidit.

*U' adhuc ex iustis lachrymis S R E N I A V Æ diluvia cessant?*

Liquefieri Nioben oportuit,  
dum cor egerit, quod amantibus superstes frustra animat,  
quando desinere quos amavit.

*Tenerrimus amor, ad deliquia cordium torcular ingens;  
alto dolore quod exprimit, etiam in maribus animis liquefit.*

Nec S R E N I A V Æ indecorum,  
quanquam cordatissimos Heroum pariat;  
aliquid ex rigore cordium remisisse, dum iustæ lachrymæ poscunt,  
Immane cordis vulnus,

Matronarum Lectissima, ante diem erepta.  
Ostium hoc prorumpentibus lachrymis, si non satis expansum?  
nihil est in humanis, quod Heraclitus fleat.

Ergo

Nympharum S R E N I A V Æ Ocellum,  
flumen suum lugeat, cui rarò similes dabit.

indole spectatissimâ, animo composito,  
moribus suauissimis, conscientia illibatâ,  
Crystallinis fontibus suis, ex quibus prodierat, respondit.

*Nimirum in Gange suo gemma,  
aurea in Pactolo ramenta, non celantur.*

A Sanguine Paterno,  
Venit in eius decora gentilitium flumen,  
Heroibus secundum, Triumphis nobile,  
Othomanæ Propontidi ominosum.

Multæ circa illud Manubiæ sed maximè Orientis:  
Bellatoribus S R E N I A V I I S, non ad Phrygium vellus;

Sed ad Victorias ex Thraciæ Bosphoro,  
felicibus in eo Argonautis.

Sed quàm terruit Rhodopen, & Hebrum in armis,  
triumphalis hæc vnda;

tam in togæ, pacisq; delicias, & gustus,  
& in sacram Musarum Hypocrenen, docto latice fluxit,  
Mentium cultissimis amica hæc crystallus,  
politum omne, tersumq; etiam in calamos ab ingenijs fudit.

Vtraq;



Vtraq; hæc gloria SRENIA VIIS ex voto,  
 Pyrrhos, aut Cyneas poscas;  
 immortalis genio, æquè Martem sapir, & Consum.  
 quin & ad Musarum quoq; delicias genius hic pertinet;  
 qui in aureum  
 VENCESLAI à Potok POTOCKI ebur,  
 Mæoniden totum cum Hellade,  
 Parthenopen cum Latio transfudit.  
 Tanti nominis Parentem, hic ego Te indigito,  
 Ciuium Hymetti, & Atticæ mens suauissima,  
 qui animo, & stylo sapiens,  
 SOPHIAM genuisti,  
 dignam Ioue suo Mineruam.  
 Speculum animi Tui in ea pellucidum,  
 Satis ostenderat Patrem;  
 cum nullam illi, vel ipse Protogenes, lineam addidisset;  
 Quæ Paternæ mentis lineamenta non referret.  
 Ad numeros Tuos mens illi concinna;  
 etiam manus Melpomenen egit,  
 dulcem affectuum harmoniam non inuenustè secuta;  
 Serenitas exinde pectoris, opaca noctium exclusit,  
 non fulgure illo, sed claritudine verâ;  
 quâ eam tot illustrium Virorum, & factorum conscia,  
 à teneris circumfudit,  
 ILLVSTRISSIMA MORSTINIORVM  
 Cynthia, & Aurora.  
 Materni Sanguinis iubar hoc,  
 CATHARINA MORSTINIA Parens,  
 ex tot in se deriuatis splendoribus traxit.  
 Nimirum MORSTINII,  
 Principum Serenissimis dilecti,  
 à Sole Maiestatis, sydera sua non absorpta;  
 in Orbis faciem extulere:  
 Cynthiam non plenam, sed plenius semper augendam;  
 diem immortalis gloriæ, cum Aurora sua  
 habituri semper Orientem.  
 Ad Coronata Europæ capita,  
 nullum os augustius,



arcanorum Maiestatis, non aliud archiuum maius;  
Epidauros serpentes ad custodiam non poposcit;  
quando *satis custodia,*

*ubi fidei illibat æ, animi, & prudentiæ satis,*

An verò

à corde Principum ad Thesaurum Regni,  
non est virtutis, Viâ Regiâ processus?  
quando, *infidus omnis ararij publici custos;*  
*qui prius araria cordis non seruauit.*

Sigillum hoc mentis, etiam manum non refigillat;  
nec indiget Hephestion gemmâ annuli;  
Cui Alexander ipse maximum est sigillum.

Ex hoc

Bonarum mentium censu,

**SOPHIAM à Potok LIPSCIAM**

Paternæ, Maternæq; propaginis series recensuit;

Pulchritudo animi eius vtrinq; deriuata,  
& **SRENIAYÆ** limpidum, & **LELIYÆ** serenum habuit,  
etiam corporis formâ tam præstante;

*ut bonam hîc animam pulchriori datam,*  
*malus etiam Priamides decreuisset.*

Virago excelsum animum induta,  
pietate, modestiâ, pudicitiâ,

pectoris illibati curas virgines sepsit;  
arcanum suum Vestale nemini pandens;

donec superûm voluntate constaret;

Cui Heroum, Beryllus iste mentium seruaretur;

Ad **SRENIAYAM** tamen pertinuit,  
decus hoc pudicissimum,

Tibi Fortissimo Heroi

**ILLVSTRISIME & MAGNIFICE DOMINE**

**IOANNES de Lipie LIPSKI**

Sandecen: Chouien: Capitaneæ.

ad thori & animi solatia datum.

Nefas erat limpidissimi fluminis Nympham,  
extra hoc liquidum elementum viuere;

ex quo Patriæ salus, libertas, & securitas viuit.

Ad



Ad Etesias mentis Tuæ,  
tranarant cum ea, vndis ad Te SRENIIVIS,

Gratiæ omnes;

vt Coniux omnium suauissima  
Gradiui Tui seueriorem genium, & curas publicas temperaret.  
Concessisti Iunoni Tuæ fulmen sæpè bellicum;

Sed in Enceladum Orientis, Mæoticosq; Tytanæ,  
tanto ardentius iturum:

magnitudine animi eius inconcussâ,  
quoties contra hostes Patriæ Martem induisti;  
Ceu vna ex Lacænis, nunquam Te magis diligeret;  
quam cum Termopilas;

aut Sparthanium contra Euphratem robur cogitares.

Pro trophæis illa Tuis,  
manus in cælum supplices tetendit;  
illa animi pietate, illo ad res Diuinas affectu;  
quo breui ituram, dignæ superis cogitationes præcedebant.

In flore ætatis Heroïna,  
quanquam nihil dignum indole suâ censuit;  
quod Deboras, Iudithas, Cornelias, non deceret;  
mirâ tamen animi mansuetudine  
in omnium Viscera iuit, cum pietatis suæ viscera,  
nemini clausisset.

Subditorum, & Christi pauperum Mater  
nihil dulcius habuit, quam parere cum gemitu,  
virtutum maximam charitatem.  
ita animo pulcherrima Rachel,  
non multum enixa, multo plures charitate nutrijt,  
quam si genuisset.

Comis, affabilis, benigna,  
vitæ breuitatem beneficijs vt extenderet;  
ipsas etiam indigentium cogitationes anteuertens,  
dum continuat beneficia, nullum gratitudini locum reliquit;  
felicissimâ obligatione,  
vt qui non exoluerant viuenti gratiam, prorogent mortuæ vitam.

Dixisses eam præuidisse,  
quam non longè distaret à portu, in quo vitæ carbasa cessant;  
ita vrgebat bonis operibus dies;  
indignum reputans, meliores curas ad ætatis Vappam reicere;



quæ raro non in peius acescit.  
 Ad momentum illud, ex quo æternitas pender,  
 momenta omnia tempestiuè direxit.  
 de compendio vitæ non sollicita, sed recte factis matura,  
 intra modicos à calce, ad columnam decursus,  
 rem ita serio egit;  
 ceu vixisse simul cæperit & meruisse.  
 Ita mors turpiter elusa,  
 dum ætatis non animi fastos inspicit;  
 celerius à prouida virtute, contra se actum erubuit;  
 quàm illa præcocius maturauit.  
 Inter amantium dolores gemitusque,  
 sola mortem excepit, ceu gratias ageret  
 felici obitu læta;  
 quod flumen suum, eò vnde venerat, ad DEVM fontem vitæ;  
 purâ conscientia,  
 ad mare vitreum simile crystallo rediret:  
 Breui Spatio circumscriptam,  
 compensatione meliori immensum illud iam ambit;  
 de cuius abyssu voluptaris, sola Diuina abyssus,  
 in voce catharraatarum suarum id loquitur;  
 quod in cor hominis non ascendit.  
 Ab hac spe, solatij non gutta, sed flumen;  
 quod cum hætenus iustis lachrymis exundasset;  
 iam nunc, in perennem eius memoriam, gemmis, non lachrymis fluat;  
 quæ cordibus omnium inuiscerata, dulce non desijt esse,  
 etiam post fata.

## DELITIVM.





,  
ra,

vitæ;

Quat;  
Ic,

mub

iv



